



Қирғиз-ўзбек дўстлиги мустақкам бўлади. Уни Худодан бошқа ҳеч ким бузолмайди. Шундай экан, Аллоҳ таолодан тинчлик сўрашимиз керак.

Садир ЖАПАРОВ,
Қирғиз Республикаси
Президенти

(Қирғиз Республикаси Президенти Садир Жапаровнинг 2023 йил 26 сентябрда «Кабар» ахборот агентлигига берган интервьюсидан).

Албатта, Садир Жапаровдан олинган бу иқтибосни ортиқча шарҳлаш шарт эмас – шундоқ ҳам ҳаммаси тушунарли.

Бироқ бундан деярли ўн йиллар олдин айни даражадаги қатъий сиёсий қарорнинг янграши дарғумон эди. Чунки, барчамиз биламизки, мустақилликдан кейин икки қўшни – Ўзбекистон ва Қирғизистон ўртасида кўп зиддиятли масалалар тўпланди ва бу икки мамлакат ҳамда қардош халқлар ўртасига совуқчилик солди, ҳатто нифоқ урувларини қадаб келди.

Сиёсий ва иқтисодий келишмовчиликлар этник тўполонларга уланиб кетганини, ноҳолис сиёсат тўғрисида айбисиз одамлар жабрланганини, ҳатто қурбон бўлганини барчамиз яқин тарихдан яхши биламиз.

Шавкат Мирзиёев минтақага олиб кирган илиқ сиёсий эҳкинлар эса халқларимиз ва мамлакатларимиз ўртасида музлаб қолган самимият ва меҳрни қайта уйғотди.

Назаримизда, Қирғиз Республикаси Президентининг иқтибосидаги қатъият ҳам, шубҳасиз, Шавкат Мирзиёев уйғотган ўша меҳр ва самимиятнинг меваси.

Айни илиқ муносабатлар Садир Жапаровнинг кеча мамлакатимизга қилган таширифи давомида ҳам яққол кўзга ташланди. Шу ўринда айтиш керакки, бу ташир Қирғиз Республикаси Президентининг мамлакатимизга қилган иккинчи давлат таширифидир.

Ўзбекистон – Қирғизистон:

Кўп қиррали ҳамкорликнинг янги даври

Ўзбекистон Республикаси Президенти Шавкат Мирзиёевнинг таклифига биноан Қирғиз Республикаси Президенти Садир Жапаров 18-19 июль кунлари давлат таширифи билан мамлакатимизда бўлди

«Янги Ўзбекистон» боғига ташир

Қирғиз Республикаси Президенти Садир Жапаров Тошкент шаҳрига келгач, Ўзбекистон Республикаси Бош вазири ҳамроҳлигида «Янги Ўзбекистон» боғига ташир буюрди. Олий мартабали меҳмон «Янги Ўзбекистон» боғидаги Мустақиллик монументи пойига гул қўйди.

Тантанали кутиб олиш маросими

Кўксарой қароргоҳида мамлакатимизда давлат таширифи билан келган Қирғиз Республикаси Президенти Садир Жапаровни тантанали кутиб олиш маросими бўлди.

Дўстлик концерти

Ўзбекистон Президенти Шавкат Мирзиёев ва Қирғизистон Президенти Садир Жапаров рафиқалари билан бирга Ўзбекистонда Қирғизистон маданияти кунлари бошланишига бағишланган концертда иштирок этдилар.

Кенг қамровли стратегик шериклик муносабатларини мустақкамлашга қаратилган ҳужжатлар

Ўзбекистон Республикаси Президенти Шавкат Мирзиёев ва Қирғиз Республикаси Президенти Садир Жапаров ўртасида бўлиб ўтган самарали музокаралар якунида қатор икки томонлама ҳужжатлар қабул қилинди.

Давлат раҳбарлари кенг қамровли стратегик шериклик муносабатларини янада чуқурлаштириш ва кенгайтириш тўғрисида Қўшма баёнотни имзоладилар.

Ташир давомида 16 та ҳужжат имзоланди, жумладан:

– Қирғиз Республикасининг Иссыккўл вилояти ҳудудида жойлашган курорт-хордиқ хўжалиги объектлари бўйича ҳукуматлараро битим;

– Фуқароларнинг ўзаро келиб-кетишлари тўғрисидаги ҳукуматлараро битимга ўзгартиришлар қилиш тўғрисида баённома;

– Ўзбекистон Республикасининг Жаҳон савдо ташкилотига аъзо бўлиши бўйича икки томонлама музокараларни якунлаш тўғрисида баённома;

– Қурилиш фаолияти соҳасидаги ҳамкорлик тўғрисида баённома;

– Меҳнат, аҳоли бандлиги ва миграция соҳасидаги ҳамкорлик тўғрисида баённома;

– Маданият ва санъат соҳасидаги ҳамкорлик тўғрисида баённома;

– Давлат хизмати соҳасидаги ҳамкорлик тўғрисида баённома;

– 2024-2030 йилларда ўзаро савдо ҳажмини ошириш бўйича чора-тадбирлар режаси;

– 2024-2026 йилларда жисмоний тарбия ва спорт соҳасидаги ҳамкорликни ривожлантириш бўйича амалий чора-тадбирлар режаси;

– 2024-2026 йилларда қишлоқ хўжалиги ва озиқ-овқат таъминоти соҳасидаги ҳамкорликни янада ривожлантириш бўйича «йўл харитаси»;

– 2024-2026 йилларда Тошкент ва Бишкек шаҳарлари ўртасидаги ҳамкорликни ривожлантириш бўйича чора-тадбирлар режаси;

– Ўзбекистон Республикаси Президенти ҳузуридаги Стратегик ва минтақалараро тадқиқотлар институти ҳамда Қирғиз Республикаси Президенти ҳузуридаги Стратегик ташаббуслар миллий институти ўртасидаги меморандум ва бошқалар.

Тор доирадаги учрашув

Расмий кутиб олиш маросимидан сўнг Ўзбекистон Республикаси Президенти Шавкат Мирзиёев ва Қирғиз Республикаси Президенти Садир Жапаровнинг тор доирадаги учрашуви бўлиб ўтди. Учрашувда икки мамлакат ҳамкорлигининг долзарб масалалари кўриб чиқилди.

Кенгайтирилган таркибдаги музокаралар

Ўзбекистон Республикаси Президенти Шавкат Мирзиёев ва Қирғиз Республикаси Президенти Садир Жапаров музокараларни икки мамлакат расмий делегациялари иштирокида кенгайтирилган таркибда давом эттирдилар.

ОАВ вакиллари учун баёнот

Олий даражадаги музокаралар якунида Ўзбекистон Республикаси Президенти Шавкат Мирзиёев ва Қирғиз Республикаси Президенти Садир Жапаров оммавий ахборот воситалари вакиллари учун баёнот бердилар. Ўзбекистон раҳбари Қирғизистон Президентининг давлат таширифи тарихий воқеа бўлгани ва мамлакатларимиз кўп қиррали ҳамкорлигида янги даврни бошлаб берганини таъкидлади.

Қадимий Хива таассуротлари

Давлатимиз раҳбари Шавкат Мирзиёев ва Қирғизистон Президенти Садир Жапаров икки мамлакат биринчи хонимлари билан биргаликда Хива шаҳридаги Ичан қалъа мажмуаси ва Нуриллобод сарой мажмуасига ташир буюрди. Хива тарихи ва унинг фан ривожига қўшган ҳиссаси, шунингдек, ҳудуднинг бой маданияти ва санъати ҳақидаги хикоялар қирғизистонлик меҳмонларда катта таассурот қолдирди.

Янги кооперация лойиҳаларига старт

Ўзбекистон Республикаси Президенти Шавкат Мирзиёев ва Қирғиз Республикаси Президенти Садир Жапаров йирик кооперация лойиҳаларини ишга тушириш маросимида иштирок этдилар.

Йирик гиламчилик корхонасида

Президент Шавкат Мирзиёев ва Президент Садир Жапаров «Хива гиламлари» комбинатида бўлди. Президентлар корхонанинг ишлаб чиқариш жараёни ва шоурумни, шунингдек, комбинат ҳудудида ташкил этилган «Made in Uzbekistan» бренди остидаги саноат маҳсулотлари кўргазмасини кўздан кечирдилар.

Қирғиз Республикаси Президенти Садир Жапаровнинг Ўзбекистонга давлат таширифи якунланди. Урганч халқаро аэропортида олий мартабали меҳмонларни Президентимиз Шавкат Мирзиёев ва рафиқаси кузатиб қўйди.

Ўзбекистон Республикаси Президенти Мағбуот хизмати хабарлари асосида тайёрланди.

